

Su'esu'ega 12

Mataupu mo Mana'oga Faapitoa 2

“O Molimau e To'alua, o Soo Molimau o Iesu”



O Iesu le Molimau faamaoni (Faaaliga 1:5; 3:14), ae molimauina o Ia e Ona soo faamaoni, e le gata i le upu, ae faapena foi o latou olaga (Faaaliga 12:11; 17:6). Latou te molimauina o Ia o le Afioga a Le Atua (Faaaliga 19:13). Ia tusa ai ma lo latou Alii ma lo latou Matai, ua valaauina i latou ia faamaoni i taimi o puapuaga (Faaaliga 2:11; 6:9–10; 24). O le fe'au o loo tuuina mai e Le Atua i le Faaaliga, e manino o le afioga a Le Atua ma le mau ia Iesu (Faaaliga 1:2, 9). O le molimauina o Iesu, o le mafuaaga lea o loo faailoaina mai e le Faaaliga e sauaina ai soo o Iesu (Faaaliga 2:13; 6:9; 12:11; 17:6; 20:4).

O le Faaaliga 11:3-4, o loo faatusaina ai Molimau e Toalua i **tuugalamepa** o tutu i luma o le alii o le lalolagi. O le Faaaliga 1:20, o loo faatusaina ai ekalesia e fitu i tuugalamepa e fitu, e tofu ma lana molimau ia Iesu le malamalama o le lalolagi.

O le fetalaiga a Iesu “*Afai e 'ino'ino mai le lalolagi ia te outou, ua outou iloa ua muamua ona 'ino'ino mai ia te A'u. . . . E le sili le auauna i lona alii.*” (Ioane 15:18-20).

1. O le tulaga o le fasiotia o Molimau e Toalua, e talafeagai lea ma le taimi o le pu lona ono i le Faaaliga 9:13-21. E iliina le pu lona fitu i le Faaaliga 11:15.

2. E faatusaina foi i la'ua i **olive** e lua ma **tuugalamepa** e lua: o le ata mai le Sakaria 4, o loo faaataina mai ai le faauuina o i la'ua ia Iosua (faitaulaga sili) ma Serupapelu (kovana). O Iesu o Le Tupu, o Ia foi o le Faitaulaga Sili, e faapena foi ona soo (Faaaliga 1:6; 5:10).

3. O le solia o le **Aai Paia** (se tasi foi ata a Ioane o soo o Iesu) mo le 42 masina (Faaaliga 11:2), a ua faaataina mai nei o **Molimau e Toalua** o molimau atu i 1260 (Faaaliga 11:3), ae ofu i ie talatala, o le faatusa o le loto mauualalo. E le'i aloaia i la'ua e le lalolagi. Ina ua mavae le toetu mai ma le afio a'e o Iesu i le lagi, na la molimau loa i le 1260 aso, pe o le tolu ma le afa tausaga faa valoaga (Faaaliga 11:3; 12:5–6). E tolu foi ma le afa tausaga o le misiona a Iesu. O le 1260 aso e faatatau lea i le vaitaimi i le va o le afio a'e o Iesu i le lagi, ma Lona toe afio faalua mai.

4. E mafai ona faaumatia o la fili i le afi (Faaaliga 11:5). Na faaaogaina e Le Atua le afi e faatoilaloaina ai perofeta a Paala i le Mauga o Karamelu ae manumalo ai Elia. Na faaaogaina foi e Le Atua le tulaga naumati e faasalaina ai Isaraelu e tusa ai ma le fesili a Elia (Faaaliga 11:6). E faaaogaina foi le afi o se mea tau faasese a le manu feai foliga tamai mamoe mai le fanua (Faaaliga 13:13). E faaaogaina vavega e faafoliga ai le talaiina moni e soo o Iesu o le tala 20:4).

lelei i le lalolagi. O le afi i le Aso Penetekoso (Galuega 2:1-3), o se tasi foi lea o vaega o le tala lelei, o le a faaaogaina e le manu feai e faafoliga mai e faaseseina ai le lalolagi i le taimi o le iuga.

5. Na auina mai e Le Atua mala ia Aikupito i le taimi o le esoto e tusa ai ma le alaga a Mose. O nisi o nei mala na liu toto ai le suavai (Faaaliga 11:6). E manino i soo o Iesu i le iuga, o le a faasalaina e Le Atua o latou fili i mala. E aofia i nei mala le liu toto o vai (Faaaliga 16:3-6)

6. Ina ua mae'a le molimau a Iesu, na liliu atu loa le pule a le malo ma le lotu faaseseina e fasiotia o Ia. e molimau le Faaaliga e faapena foi tulaga e oo i soo moni o Iesu (Faaaliga 13 ma le 17). E fesootai le faamae'aina o la latou mau, ma le soo o le lalolagi i la latou talaiina o le tala lelei (Faaaliga 10:7; 11:7). O le taimi lea e alu a'e ai loa le manu feai mai le to e le gata, e osofa'ia ma fasiotia i laua (Faaaliga 11:7).

7. O le ata faatusa o la oti, e fesootai foi lea ma le maliu o Iesu. Fai mai le Faaaliga 11:8-9 “...o le mea foi na faasatauroina ai lo latou Alii” O le tulaga o le oo i Molimau e Toalua ua mae'a ona taunuu i lo la Alii ina ua faasatauroina o Ia i Ierusalem. O le aai tele (le ekalesia faaseseina), ua faatusaina ia Ierusalem. O le ekalesia faafoliga ua faitaaga, pei o Sotoma, e teena Le Atua moni, pei o Farao o Aikupito o le na teena Mose.

8. O le Luka 23:12, na faaleleia ai eseese a Pilato ma Herota, ona avea ai lea o la'ua o uo i le faasatauroina o Iesu. Na tauemu “e nonofo i le lalolagi” (faaaogaina soo e Ioane e faatatau ia i latou e teena Iesu), na latou faia faafiafiaga, ma fe'aveai a latou mea alofa ona o le maliliu o Molimau e Toalua (Faaaliga 11:10).

9. O le ata faatusa e faamalamalamaina ai le toe tutu mai o Molimau e Toalua, o le toetu mai lava lea o Iesu: Na afio a'e o Ia i le lagi ma ao (Faaaliga 11:12). O le Faaaliga 11:19 e faamatala mai ai le vaaiga o le Mea e Sili ona Paia i le malumalu i le lagi.

10. E alu a'e le leo o le viiga ma le le alaga fiafia e tuaoi tonu lava ma le toe faafoisia o le malo i Le Atua lava Ia ina ua ilia le pu lona fitu (Faaaliga 11:15).

O le tiute ma le galuega a soo moni o Iesu, le talaiina i le lalolagi o le soifua, le maliu ma le toetu mai o Iesu Keriso e ala i la latou mau faamaoni. “*A ua latou manumalo foi ia te ia (le gata tuai, le tiapolo, pe o le tau molimoli foi) ona o le toto o le Tamai Mamoe, ma le upu a la latou mau; ua latou le faapelepeleina foi lo latou ola ua oo i le oti*” (Faaaliga 12:11).

